

愚

齋

存

稟

愚齋存稿卷第一百

電報總補遺目錄

寄端午帥

南京端午帥來電

寄武昌張宮保

江督端午帥來電

又

寄武昌張宮保

京外部孫大臣寶琦來電

貴陽龐中丞鴻書來電

江督端午帥來電

寄端午帥

北京郵傳部來電

寄北京岑宮保春煊

京岑宮保來電

寄北京王中堂

寄天津袁宮保武昌張中堂

天津袁宮保來電

俄京孫大臣寶琦來電

寄俄京孫大臣寶琦

京外務部楊丞堂士琦來電

寄北京陳玉蒼尙書璧

江督端午帥來電

寄武昌趙制軍爾巽

武昌趙次珊制軍來電

寄北京外務部

外務部來電

寄天津楊制軍士驤

寄成都趙制軍爾豐

北京呂鏡宇尙書海寰來電

北京外務部來電

北京呂尙書海寰來電

上海楊道文駿來電

寄武昌趙制軍爾巽

寄南昌瑞鼎臣中丞良

寄滇督錫清弼制軍良

滇督錫清帥來電

寄武昌趙制軍爾巽

桂撫張中丞鳴岐來電

寄桂林張堅伯中丞

北京澤公來電

又

寄北京張伯訥京卿

寄北京楊彝卿

北京呂大臣海寰來電

寄京陳玉蒼尙書璧

寄天津呂大臣海寰

粵督張安帥人駿來電

北京郵傳部來電

寄北京軍機處王爺中堂

寄江陰惲道鎮江劉道南京端制軍安慶繼中丞沈方伯

江西馮中丞汝驤來電

寄浙撫增子固中丞韞

寄南京督署宗子戴太守舜年

寄武昌陳制軍夔龍

南京樊雲門方伯增祥來電

寄武昌陳制軍夔龍

江督端午帥來電

南京宗觀督舜年來電

長沙余堯衢京卿肇康來電

北京澤貝勒來電

寄南京端午帥

端午帥來電

天津呂鏡宇尙書來電

寄蘇州陳小石中丞夔龍

東京胡大臣惟德來電

寄東京胡大臣惟德

寄長沙王祭酒先謙余京卿肇康

寄北京張中堂

愚齋存稿

卷一百目錄

四

思補樓藏版

寄南京端午帥

北京楊杏城侍郎士琦來電

武昌李方伯岷琛楊廉訪文鼎來電

新疆精河廳長少帥庚來電

寄武昌陳制軍夔龍

江督張安帥人駿來電

鄂督陳筱帥來電

寄奉天錫督帥良熊京卿希齡金觀督還

寄奉天錫清帥

奉天錫清帥來電

濟南朱方伯其煊來電

濟南孫慕韓撫帥寶琦來電

寄濟南孫慕帥

鄂督楊護院文鼎來電

武昌陳筱帥夔龍來電

郵傳部來電

寄北京李季皋京卿

蘭州長少白制軍庚來電

寄江甯張安帥

寄武昌楊俊卿護院文鼎

北京陸軍部來電

寄北京袁珏生太史勵準

寄武昌楊護院文鼎

寄京呂尙書海寰

寄濟南孫中丞寶琦

南京樊雲門方伯增祥來電

寄蘭州長制軍庚

北京軍機處來電

北京輔國將軍載揆來電

寄北京梁燕生京卿士詒

北京梁燕生京卿來電

寄奉天錫清帥程雪帥

南昌馮星巖中丞汝駢來電

寄南昌馮星帥

甘肅諮議局來電

奉天程雪帥德全來電

寄武昌瑞制軍澂

寄北京呂鏡宇尙書

寄北京外務部堂官

北京李偉侯丞堂國燕來電

寄北京李偉侯丞堂

北京李襲侯國杰來電

湘撫楊中丞文鼎來電

寄京李襲侯國杰

北京李偉侯襲侯國杰來電

寄湘撫楊中丞文鼎

寄奉天錫制軍良

北京沈雨人侍郎雲沛來電

濟南孫慕韓中丞寶琦來電

寄濟南孫中丞

北京軍機處來電

寄上海蔡道乃煌

寄鄂督瑞莘帥

湘撫楊中丞文鼎來電

寄粵督袁海觀制軍樹勳

安慶朱經田中丞家寶來電

寄日本佐世保洵貝勒

寄長沙楊俊帥文鼎

長沙楊俊帥文鼎來電

寄長沙楊俊帥

寄江督張安帥

寄武昌瑞制軍澂

廣州張制軍鳴岐來電

湘撫楊中丞文鼎來電

寄奉天錫清弼制軍良

上海李襲侯國杰來電

寄上海李襲侯國杰

江督張安帥來電

寄武昌志將軍銳

寄上海南洋公學唐蔚之侍郎文治

滇督李制軍經羲來電

上海唐蔚之侍郎文治來電

寄武昌瑞制軍澂

長沙朱菊尊京卿恩紱來電

武昌瑞制軍萃如來電

寄武昌瑞帥澂

寄長沙楊中丞文鼎

湘撫楊俊帥文鼎來電

寄廣州張堅帥鳴岐

又

武昌端大臣方來電

雲南李制軍經羲來電

寄武昌端大臣方

寄長沙楊中丞文鼎

愚齋存稿卷第一百

電報總補遺

寄端午帥 光緒三十三年正月初三日 呂大臣會電

沁電屬勸報效集成鉅款可邀 俞允具仰蓋籌數日
來徧勸熟人尙無以應惟請四品京堂有兩人一係候
補道一係候補五品京堂如議定數目連朱疇祝大椿
已得四人大約請銷永不敘用者少從前李文忠辦振
請賞准給官者甚多公似可先商政府實勝於借債

南京端午帥來電 正月初五日 並致呂大臣

廿九電悉分馳不如專責議論極佩已照來電以

劉總理徐屬春振平糶魏總理淮屬春振平糶許
總理海屬春振平糶精神有所專注調查尤易周
詳至海贛河工應俟楊道與許紳議定電復再行
核辦除電袁楊二道許劉魏三紳外祈卽分致各
義紳知照

寄武昌張宮保

正月初六日

張道贊宸回滬就醫面述萍亂轉危爲安全賴鄂軍之
力萍礦獲全實公再造匪首竟卽在胡營捉出贛軍營
務可見一斑鼎帥擬練新軍緩不濟急兩省錯壤餘孽
潛伏甚多清鄉未能實辦甯軍又先撤回現在匪黨之

起伏人心之動靜全視鄂軍之去留公不卽撤隊已極
感幸何敢再有瀆求惟鄂軍去萍礦仍危擬懇俯准將
現駐安源營隊多留數月萬不得已亦求另派得力營
隊前往接替俟鼎帥新軍練成足步鄂軍之後再請將
鄂軍全數調回仰蒙始終成全萍礦幸甚大局幸甚

江督端午帥來電

正月初九日

接許久香電稱歲杪過海州西鎮有鎮票放錢口
數不符之謠雖未可盡信亦不能不防當卽專函
請汪牧密查並擬先將紳辦普放冬振一次查照
根票榜示各鎮一鎮發一總榜書明某保某村某

某名大口若干小口若干并於榜下置一投文箱
如有填票散錢不符准令開明投入箱內十日開
視一次有弊嚴提重辦庶幾春振查戶皆知畏憚
義紳親帶之人必皆誠篤可恃間有就地取材者
恐徇情冒濫亦不能免可否咨呂盛大臣屬義紳
一併會同地方官榜示之處出自鈞裁等語查海
州西鎮係籌防公所紳士散放既有此謠已電屬
宋義紳會同汪牧調查電復至請義紳會同地方
官榜示之處非特可杜弊端且足以昭大信而免
口實所酌核賜復以便通飭遵辦

又 正月初十日

初二電悉義紳所用司事迭承切實戒慎甚爲感佩司事責任極重月薪較微誠如尊論將來振務辦畢惟有擇尤保獎或由振務項下獎送虛銜以酬勞勩公意如以爲然祈卽分飭查照

寄武昌張宮保

正月初十日

江北振務棘手人財兩乏現在接辦春振急須多覓正紳查李牧寶淦請假在里擬請留兩月事竣卽令回省當差舊治關懷諒蒙俯准可否乞電復

京外部孫大臣寶琦來電 三月十一日

惠函感謝奉 命使德重赴歐土殊非本願赴任
必速由鐵路行承注敬達

貴陽龐中丞鴻書來電

三月十六日

書與楊京卿累世交誼兼爲寅好惟在任未便列
名具呈甚爲抱歉

江督端午帥來電

三月二十九日

公有財政條議四事渴思拜誦乞速鈔寄

寄端午帥

四月初一日

弟所擬財政四條並無新義公聞之何人容俟檢齊鈔
寄求誨並博一粲

北京郵傳部來電

四月十八日

俄稅六十五萬已奏明全數撥充京張鐵路工需
當經責成該局總辦陳京卿昭常會辦詹道天佑
妥慎經理所有存期久暫及如何撥用之處應由
該總會辦逕與銀行接洽希轉飭知照

寄北京岑宮保春煊

四月二十七日

呂守景端蒙奏調飭同赴粵本應遵候隨行惟該守佐
弟有年經手未完甚多前曾面懇暫留弟處以本年爲
度感承俯允又據該守面稱月有家事緊要須回籍了
結約秋後方安求代懇准予寬限數月趕將公私料理

清楚卽行來粵聽候差遣此時不克隨節前往實出萬不得已等情用並代達萬乞鑒准

京岑宮保來電

四月二十六日

呂守公私事件請飭速了秋間到粵至盼

寄北京王中堂

五月十五日

遂初足稱全福追隨杖履尤爲私幸繩伯今晚赴漢師
駕是否六月起程約何日抵滬已灑掃蓬華恭備小駐
呂尙書轉託喜鵲胡同住宅懇留接租同深感泐並乞
電示

寄天津袁宮保武昌張中堂

五月二十三日

呂大臣
會電

商約辦理六年英美日葡約已訂其餘未訂各國免釐
加稅一層將來亦難出範圍海擬月杪赴京供職所有
在事各員著有微勞當此用人之際似應酌加保獎以
資激勵尊處如有應保人員請將銜名即日電復以便
彙奏海啟程在即不及會稿擬請尊處會銜不會印如
何乞速示

天津袁宮保來電

五月二十三日

並致張中堂

承示隨辦商約各員擬酌加保獎敝處遵當會銜
請卽由滬具奏查有軍機處存記直隸補用道劉
燕翼請列保仍以道員交軍機處記名遇缺請

旨簡放祈彙入

俄京孫大臣寶琦來電

六月二十四日

退圃在何處南皮大拜否協當屬定興西林是否
尚在滬都中近聞乞併示

寄俄京孫大臣寶琦

六月二十六日

退回杭香大拜芝協岑卽赴粵餘無聞

京外務部楊丞堂士琦來電

七月二十五日

項城廿二到京吳玉未來如來見當傳諭緩遞紅
會獎案望乞速咨聞幼舫又病可請伯巖擬稿核
定速發

寄北京陳玉蒼尙書壁

九月十一日

正太活息爭論過久埃士任意欺壓通商執定違章兩
不相下弟想總是公事必應和平結束然非有依據弟
亦難強眾商遵行昨始想出銀行有六個月板期四釐
之例莫如執此開會定斷當不能責督辦賠貼照來咨
五釐只減一釐照行例二釐半已增一釐平衡之公論
平允已極惟仗我公獨斷准行感荷無既

江督端午帥來電

九月十一日

振案奉批公與鏡宇尙書均 賞給匾額月片所
請之許道鼎霖及魏守家驊馮守嘉錫張道賡颺

劉守鍾琳等五員均傳 旨嘉獎特聞

寄武昌趙制軍爾巽 九月十三日

在鄂晤教快甚昨抵萍知前月南贛匪警萍鄉亦有謠言幸貴軍鎮壓感佩無似據林道云前有換防之說陳管帶在萍紳民翕合務求暫緩調防宣准十八由長沙回漢廠容再面陳一切

武昌趙次珊制軍來電 九月十五日

鄂軍係換非撤既承屬可暫緩

寄北京外務部 九月二十九日

頃接商約隨員楊道文駿等電稱商約經費向係三個

月領一次今已四個月似應請領以資開支可否請大部照案電飭滬道撥銀一萬兩以便撙節支用乞示

外務部來電

十月初一日

經費一萬兩已飭滬道照撥

寄天津楊制軍士驤

十月十四日

報載濮州民捻衝毀直境飢民載道尊處已派員放振等語現有新製棉衣數千件究以何處災情最重乞電示

寄成都趙制軍爾豐

十月十八日

川路公司紳董願將購辦軌料預付定銀存廠七釐生

息誠屬兩益頃與次帥商定卽由敝處遴派運銷局員
盧道洪昶攜帶文憑及詳函赴宜昌由陸路到川稟商
辦理

北京呂鏡宇尙書海寰來電

十月二十日

蘇杭甬借款移作別用聞已議及朱使不允刻朱
逼邸甚緊汪東手梁接議亦無從下手或謂洋人
好名儻蘇浙紳商竟來京與朱直接朱或見好輿
情借此轉圜亦未可定或又謂款足卽可抵借惟
扣頭及息約須償還百萬未知能辦到否公駐漢
陽暫避風潮未始非計

北京外務部來電

十月二十五日

奉 旨盛宣懷著迅速來京預備 召見欽此

北京呂尙書海寰來電

十月二十七日

頃謁邸知以公爲理財老手嚮用方殷擬內用此
出不僅爲蘇杭甬也並囑弟傳諭公宜速來外拙
見公應卽刻由漢北上免彼蘇浙紳士糾纏不得
脫身致失機會何日首途乞先電示爲盼

上海楊道文駿來電

十一月初三日

頃晤幼舫知憲駕初四北上想爲路事能仰賴幹
旋江浙幸甚電務情形得能向郵部一言當可曉

然

寄武昌趙制軍爾巽

十一月二十七日

涿州至昭山鐵路一日不通運煤一日不暢袁京兆來
電似已置身事外余席籌款齊否究竟如何辦法涿州
至昭山是否必繞湘潭而昭山至長沙是否兩頭興造
決議何時開工乞電示

寄南昌瑞鼎臣中丞良

十二月初一日

萍礦煤稅承飭司局俟明年二月新章施行後再行照
章納稅至感查萍礦出煤雖漸暢旺惟自涿州以下河
道淺窄轉運艱難出數有限除供給鐵廠自用及各處

銅元局所需之外其行銷於商民者實屬寥寥尊電已轉行漢廠萍局會議分別辦理俟稟復到日卽當咨行宣此次到京正與部籌擬將涿州至昭山鐵路接通使運道暢達則出貨多行銷廣庶於國稅礦政兩有裨益寄滇督錫清弼制軍良

光緒三十四年正月二十九日

公電奏開缺勘奉 旨毋庸議著再賞假一個月以資調養眷倚方隆殊深欣頌賤恙到京劇發需用苓桂請代購上等清化桂兩許大茯苓數個覓便寄滬甚感

滇督錫清帥來電

正月三十日

豔電承注感甚良才庸能鮮廿八年汴撫任內卽

密陳不稱封疆蒙調熱河竊幸責輕詎料又移川
滇懼難勝任焦瘁成疾力小任重於此可見亟思
避賢未邀 恩允奈何知念實陳非敢僞飾囑購
桂苓卽覓佳者寄滬

寄武昌趙制軍爾巽

二月十一日

去冬面商廠礦摺片因弟將出京未便再攜本日會公
後銜入奏商辦漢冶萍煤鐵廠礦宜擴充股本合併公
司一摺奉 諭旨著責成盛宣懷加招華股認真經理
以廣成效餘依議又奏請月鑄總理漢冶萍煤鐵廠礦
公司事務銅質關防片又奏派李維格充漢冶萍廠礦

公司協理片均奉 旨依議除錄咨外謹先奉聞

桂撫張中丞鳴岐來電 三月十七日

聞萍鄉洋礦師賴倫礦學最精辦理著有成效桂
省現奏辦富川煤礦擬借該洋礦師來桂詳加查
勘庶開辦一切較有把握如承俯允當再遣員至
萍相接往返川資均由桂備可否乞復

寄桂林張堅伯中丞 三月十九日

萍鄉煤礦不能一日無礦師擬借用賴倫愧難應命請
諒月籌

北京澤公來電 三月二十九日

鈔件收到南皮項城近遞說帖迹近武斷 慈意
甚不謂然故仍交議倘得執事痛切一言必可決
議望速奏

又

四月二十日

部不畫諾資不贊詞決難定議專望大作力挽狂
瀾寄滬一函到否電示

寄北京張伯訥京卿

五月初五日

在京承面告尊處調查各國優先股章程各有異同漢
治萍老股應占優先者尙有兩等至今未定現擬擇日
開會公議特懇將所查各國章程詳晰抄示俾資參酌

感盼實深何日可寄先求電示

寄北京楊彝卿

五月初七日

外人既爭投標又杜預付不得仇視華廠並勒路局不得趁金貴易銀存華多得利息督辦權力較弟從前更減津浦大局既將全讓廠於何有所幸他路均買華軌若全國皆如此廠礦關門矣

北京呂大臣海寰來電

五月二十五日

軌事現擬設法辦理先訂貴廠五千噸爲北段之
用限西八九十月分三批運交天津未知能辦到
否祈先密示萬無播揚並請先將貴廠所有各種

愚齋存藁

卷一百

總補遺

七

思補樓藏版

軌式除山伯德式外速繪寄一分以便擇用標式
尙未擬定最好派員來商更妥詳情函達

寄京陳玉蒼尙書璧

六月初二日

東電所示弟亦想到此事關係奏案必須政府決議昨
晚特密電南皮請爲維持又託泗州密商當道早日定
議因電歸官辦廿八年已奉 旨實發端於南皮項城
今議者皆歸咎我二人而深感吳楊眾目皆在二分利
息也初二會議成敗利鈍惟公主持弟仍在蘇候信

寄天津呂大臣海寰

六月十三日

冬電開工順利忭慰北段軌承爭回漢造顧全大局匪

細原電轉漢後登屬廠就本年定貨二萬噸中騰撥五
數藉杜口實奈洋工司堅稱各路交貨皆有合同守信
卽以保名津軌必須待至開河再運並力言鋪軌必在
明年拘泥不解權變使公爲難然維持鐵路盛心永矢
弗諠矣

粵督張安帥人駿來電

六月十七日

粵省五月中旬東西北三江潦水同時漲發廣肇
各屬圍隄衝決百餘處南韶等屬亦被水淹統計
二十餘縣縱橫千數百里盡成澤國徧野哀鴻實
爲數十年所未有雖經弟迭飭司局遴派多員携

帶銀米分投散放急振並兩次電奏蒙 恩發帑
十萬兩復捐廉提倡省港紳商亦各購糧食濟助
惟災重地廣來日方長非得百數十萬鉅款斷難
稍蘇民困粵省財力久形艱窘今更悉索無遺前
承歌電屢念粵災當經電請勸諭在滬紳商濟助
現在需款尤亟不得不爲災民請命如捐款集有
成數可否先解一批以濟急需儻需振捐實收當
飭司局寄上感綢何極盼復

北京郵傳部來電

六月二十八日

收贖電股事承公一力擔任不避勞怨無奈各商

觀望於公何尤仍望挺胸獨任始終不渝旣恤商情復顧國體務底於成收贖一八之價核計幾及四百萬元在京有股諸公均謂酌中作價部難再加仍請公以本部堂官之資格招集各商再三勸諭和平辦理勿傷感情能於限內蒞事豈特公之功亦增長商等之名譽也切禱

寄北京軍機處王爺中堂

七月初一日

收贖電股事昨接郵傳部沁電屬令宣懷恤商情顧國體挺胸獨任務底於成此事以抱定奏案恪遵官價爲前提以矜念前勞月加酬賞爲中堅以月初定案實行

官辦爲結穴謹馳電呈請代奏管見官商接洽中外觀聽胥繫乎此儻蒙 俞允務求明降 諭旨俾資興起而慰輿情大局幸甚

寄江陰惲道鎮江劉道南京端制軍安慶繼中丞沈方伯
七月二十二日

徐家匯天文台昨午預報云暴風已行至通承島一帶風勢向東北方離上海甚近揚子江口當有風暴大雨大約風雨行至上海或更劇烈且須蔓延至揚子江下游流域一帶云現在上海已到大風沿江民船宜請飭令預避以免不測

江西馮中丞汝駢來電

十月初二日
時在東洋

上海轉來

電示總期兩全感悉萍紳來言礦山讓局多由強迫資助學款意近酬報現在機礦告成地主無利僅此按噸抽費但節浮糜綽乎有餘林道創議停止學界頗涉怨望外國礦廠於近地公益亦有助款輪電助學係公手辦今何惜此區區致傷感情希速電林道先行照發再商兩全辦法萍紳守候盼復

寄浙撫增子固中丞韞

十一月二十二日

仁和相國春江中丞諸公爲先祖父先伯父先父呈請

愚齋存稿

卷一百

雜補遺

古

思補樓藏版

建祠湖上已蒙台端俯允入奏感泐五中頃聞仁和相國病危可否仰懇速奏抑如何辦理之處伏乞成全殁存均感餘容泥首面謝

寄南京督署宗子戴太守舜年

十二月十六日

昨函老師所懇江蘇留日學生加額一事同鄉以比較各省情形見紉意欲具稟學部宣以爲必須督撫做主不必舍近求遠然非陶帥主持蘇垣未必見允弟在東知江蘇學生極肯用功並無習氣帥樂育爲懷可否賜允乞代切懇專函已另復矣

寄武昌陳制軍夔龍

宣統元年正月十四日

江夏馬鞍山煤礦張相奏辦時專濟漢廠煉鐵費鉅款始成一機器煤礦前數年有倪炳光在近礦五里內楊家山穿鑿土窿冀壞機礦曾請督院飭縣封禁有案茲聞有人踵倪故智設立阜昌公司仍在該山偷挖機礦可危乞檄縣查案速封設抗不解散拿案責懲至紉維護

南京樊雲門方伯增祥來電

正月十六日

萍礦購炸藥事照新章先電請陸軍部核示頃奉部電其文曰庚電悉購運炸藥千箱爲數過鉅每箱若干斤足敷若干時之用有無限制希轉咨查

明電復刪等因敬祈鈞處按照部電所指查明電示以便轉電大部核復

寄武昌陳制軍夔龍 二月二十六日

辛丑五月廿三奉行在政務處電令江鄂粵三督及敝處籌議鼓鑄銀元一事廿九劉峴帥來電江鄂已會復仍主七錢二陶方帥來電銀圓七錢二通用已久如部庫肯照收用照算亦易乞挈銜會復云敝處因主議一兩未及會銜江鄂復件底稿遺失現擬臚陳財政乞請代查辛丑五月廿九江鄂會奏底稿抄寄或不甚長請卽摘要電示尤深感禱

江督端午帥來電 二月二十七日

敝處奏事僅用 皇上安摺 皇太后前不遞安摺謹復

南京宗觀督舜年來電 二月二十八日

宥電已呈帥覽飭胥遍查檔案并無此項會奏稿
詢之前在鄂幕之勞君知確有其事係冰相主稿
會江督銜電奏主用七錢二原文不能省記電底
向不存檔時閱八年報房底稿亦久毀失容詢之
舊幕片復惟查江鄂會奏變法第三摺中有用銀
元一條內稱改元爲兩未嘗無見惟中國無雄厚

之力不能操轉移之權財窘商弱豈能自爲風氣
若輕重與銀洋相等尙可依傍而行改兩則與洋
銀數目參差商埠不行內地必阻至官收官發平
色尤須一律商民方能流通云云大概如此此摺
防間或有刊本

長沙余堯衡京卿肇康來電

閏二月十三日

承示湘路宜早開工以饜天下之望德意銘感洙
昭路短尙可不用洋款來電尤佩康苦塊餘生才
識益竭屢次堅辭冰相弗許仍當再申前請也

北京澤貝勒來電

閏二月十三日

盛宮保摺批度支部知道特聞

寄南京端午帥

閏二月二十日

聞伯浩稟中丞語多不遜深以爲怪公將如何解之可否密示解法以免決裂

端午帥來電

閏二月二十二日

廿電悉伯浩此舉誠非所料昨已發電力勸伯浩並電辛異兩君現伯帥於此事並不介意想彼此均係舊好事屬因公不難立化煙雲也

天津呂鏡宇尙書來電

閏二月二十二日

承廕事部友云承廕人員總以不提官職爲妥長

次三四子均道員幼子已捐郎中如幼子承廕可
聲敘長次各子均有官職幼子不提官職至幼子
前捐郎中或留給他人幼子月用一名承廕似可
不註銷郎中再嫡出庶出亦須聲明或云嫡子某
某均有官職云云請酌辦

寄蘇州陳小石中丞夔龍

四月初七日

貧兒院地內聞有潘誦錕等八戶經勘丈公所呈報商
務局據熊道面稱凡地方公益處勘定後雖有民產在
內勢難發還致啟效尤之漸商務局批駁陸姓請認陳
列所地基語甚切實貧兒院事同一律如該局轉詳請

示務乞援照批駁爲禱

東京胡大臣惟德來電 四月二十三日

據北里云時症與痰飲宜速並治如決意聘請當
於廿五起程否則無暇踐約乞速復

寄東京胡大臣惟德 四月二十四日

賤恙現服西藥甚驗不敢驟易生手北里卽祈善爲回
復並達感謝之忱

寄長沙王祭酒先謙余京卿肇康 五月初四日

洙昭如不須借款工程司不拘何人可用聞借款亦有
德國在內卽使需用借款賴倫亦必爲彼族所信頃照

文電尾語電請冰相會部速奏尊處如有人在京乞再商請督辦核定迅速開工實爲兩益若長此拖延何時能達目的當非二公所欲也

寄北京張中堂

五月初九日

洙昭路事上月先接湘路王余兩總理蒸電商借萍礦工程司賴倫赴湘建築當以爲路礦兩益賴事雖忙路經屢勘湘旣來借未便却之惟囑電請鈞處會部速奏俾早興工昨接王余朔電云借賴事函電分稟督辦迄未奉覆借款亦尙未宣布賴係德人是否無妨容再電詢等語洙昭應否借用賴倫宣懷不敢置詞惟萍礦運

道遲速實爲漢廠成敗關鍵現在日出煤一千五百噸
洙昭尙多阻遲預算表下半年起日出煤二千噸明年
起日出煤三千噸運貨之利皆此短路收之設因借款
紛爭一時難定以此編入招股說略湘情可期踴躍王
余電到務求中堂迅賜核定奏明辦理至深感盼

寄南京端午帥 五月二十九日

頃李道厚禧面稱華僑賴有仁被冤一事巴達維亞華
商會已電求尊處及商部陸使交涉未知尊處如何辦
理乞電示因該商會有電詢也駕何日行

北京楊杏城侍郎士琦來電 六月初九日

頃持尊電與菊公晤商尙無成見惟以部文已發不能收回只有另想轉圜之法屬琦電復尊處轉致王道郵部有面詢事件飭令迅速來京一見仍不誤開會之期爲妥等情望告予展速來爲要

武昌李方伯岷琛楊廉訪文鼎來電

六月二十五日

鄂省本年水災極重災區甚廣振撫需款較鉅經督憲兩次電奏蒙 恩准撥司款兼發帑銀並援江北成案各官捐廉協助尙求鼎力籌濟以拯奇災急振尤關緊要丙午淮振皆賴義紳查放認真核實最爲得力並求遴派數員來鄂相助感盼曷

極

新疆精河廳長少帥庚來電 六月二十八日

甘省災振仰承執事暨在滬紳商捐墊鉅款先後
匯解俾濟急需茲復派人赴甘詳探災情續登報
告以期再爲集腋仁膏德澤有加無已曷勝感慰
庚巳電商毛護院查照各省奏獎之案先行陳明
以便將來彙核請獎先此陳謝

寄武昌陳制軍夔龍 七月初六日

湖北京官公舉關守陳令到滬勸振本日會同蔡道邀
集在滬紳商出示尊電剴切籌勸各有熱心惟振捐已

成弩末萬不能多現議公籌墊款二十萬兩內多公款
商本必須歸墊實在有著方能動撥例獎旣不足以動
人而獎給實官部議時駁時准彼此觀望僉懇電請我
公如能將此次籌墊鄂振電奏立案准其隨時奏獎實
官方能撥解等情能否照辦乞電示

江督張安帥人駿來電

七月初十日

海屬災重籌款購糧舉辦平糶自不可緩承代策
畫甚感惟被災不止海屬需款較鉅現飭甯藩司
向銀行訂借六十萬兩爲平糶用將來虧折之款
當由本省設法籌補知念謹聞

鄂督陳筱帥來電

七月十四日

頃聞抱西河之痛不勝驚惜時事艱難我公責重

希達觀珍衛

寄奉天錫督帥良熊京卿希齡金觀督還

九月二十三日

帥養電敬悉卽請代購高粱玉米各一萬石所需審平銀六萬八千三百兩卽由大清銀行分兩次電匯務乞速與糧行訂定以免早晚時價增減此糧是否在鐵嶺買所需口袋及打包紮口工錢均求墊付照繳仍珠觀察能否暫留料理伏懇主持

寄奉天錫清帥

九月二十四日

鄂省災民竟全仗紅糧活命弟心餘力絀已在津營購運二萬石以後只望奉省一條生路儻能貨多價平實宜源源接辦承代囑周道採購並蒙俯允力籌此鄂民之福乞轉致周道隨購隨報款亦隨付隨還奉省如有應劃上海之款更省匯費惟上煩我公殊不安耳

奉天錫清帥來電

九月二十四日

我公拯濟災黎同欽大德良已飭周道盡力購辦隨時稟報轉達至奉省目前並無劃上海之款惟日後總須匯用應請尊處將第一批銀兩先交滬東三省銀號存儲待撥毋庸給予匯費

濟南朱方伯其煊來電

十月初八日

蒙諭鄂省災況誼不容辭已稟明募帥先由籌振局撥款二千兩匯寄上海英界成都路廣仁堂兌收並邀官紳勸募源源接濟恐勞厘系先此奉陳

濟南孫慕韓撫帥寶琦來電

十月初九日

本日傳紅禮成本附金蘭更叨蘿薦慶幸何如敬賀大喜祇頌潭福此間係請施鶴雛太史張石甫太守執柯並以附聞乞轉告王繩伯

寄濟南孫慕帥

十月十二日

敬賀親家仁弟親家夫人大喜以金蘭至契締兒女姻

豈僅向平了願足喜哉正在復賀又悉真除指顧兼圻
心香頌禱

鄂督楊護院文鼎來電

十月十五日

江南參案聞將覆奏惟內有牽涉鼎在甯造屋一
節乞公速密電安帥設法斡旋或以此屋係先兄
及彝卿公建非鼎一人私產且事在未署淮道之
先與服官省分有別則措詞更爲簡淨務懇速賜
維持極盼極感

武昌陳筱帥夔龍來電

十月二十五日

鐵廠擴充高公橋地畝事已飭局與廠和平議定

辦法希釋厪存鄂灾極承拯助有加無已弟雖去
鄂永戴鴻施統此誌謝兼以告別

郵傳部來電

十一月初七日

招商局沈道能虎病故所遺漕務副坐辦一差查
有前四川川東道陳適聲堪以派委接充

寄北京李季皋京卿

十一月十七日

惠卿憚王吳畫可否請電江趨丹與弟一閱如值兩萬
兄肯賣否

蘭州長少白制軍庚來電

十一月二十二日

諫電二紙謹悉甘肅灾情仰蒙大力高呼活茲黎

庶莫名感佩請獎一節本應遵辦惟各處義振共
實銀二十餘萬兩適准部章各省賑捐宜核實造
報不准減收虛捏並分別常捐七項及銜封貢監
酌減請獎辦法業經毛護院查悉具奏矣俟奉批
後再行布聞

寄江甯張安帥

十一月二十五日

義紳蕭之華自海州來面稱海贛沐蒙撥高粱三萬石
已到未發近有餓莩亟宜查戶給票減價平糶聞沈侍
郎面懇准派汪道詠沂前往辦理該道輿論甚孚歲聿
云暮可否請速派往並催趕辦振以期救濟

寄武昌楊俊卿護院文鼎

十二月初一日

廿三函朔到卽照錄手摺親筆加函豐潤並託青蓮又摘要語明日面懇伯訥函達所擬家屬抱呈亦妥

北京陸軍部來電

十二月初三日

萍鄉礦用藥引准卽知照稅務處矣

寄北京袁珏生太史勵準

十二月初四日

虞山跋南田花卉十葉宗少文長卷各需價若干乞電示

寄武昌楊護院文鼎

十二月初八日

頃招得奏獎一名係正金滬行總經理葉韶奎吳縣人

因欲趁限內捐獎二品銜故亟請奏辦履歷如下三品
銜分部郎中葉韶奎捐助鄂振實銀一萬兩可否援案
請賞道員選用按例銀有盈無絀擬請貴部堂迅速附
奏除補咨外乞將入奏日期電示以便收銀購辦糧食
寄京呂尙書海寰 十二月十六日

紅十字會稿書奏寄上關防中國字樣請酌因近來對
於各國皆書大清此事欲勸捐恐難辦造醫船數隻說
得太易或刪去數隻字樣何如

寄濟南孫中丞寶琦

十二月二十八日

勘電感悉繩伯杭駐不及保護恐遠道訛傳莫辨公私

漢號受其影響則奈何如有高見乞示方針

南京樊雲門方伯增祥來電

十二月二十九日

查江都洲振詳准在淮南鹽商捐款八萬項下撥
兩萬串就近發給平糶在案茲奉電詢應卽電請
運司催款撥給再行奉復

寄蘭州長制軍庚

宣統二年正月十四日

前電請撥還義振墊款六萬旋接甘省諮議局來電因
旱象又成商留餘款弟電復如能照章候敝處咨請核
獎原可曲從頃接復電制軍面允照辦並奏聞等語惟
前項十一萬一千餘兩內有六萬墊款若不請獎弟與

同人均難受此賠累且恐以後災振無人捐墊查度支部奏定新章捐例數倍於前且甘省文牘往來太費周折可否請卽咨部援照雲南振捐准由敝處徑辦應咨者咨應奏者奏一面將捐生履歷銀數造冊咨送尊處立案可否乞示復

北京軍機處來電

正月十八日

並致吳重熹中丞

軍機大臣欽奉

諭旨呂海寰等奏酌擬中國紅

十字會試辦章程請立案一摺著派盛宣懷充紅

十字會會長餘依議該衙門知道欽此

北京輔國將軍載鐸來電

正月二十八日

芝田來述尊意甚感陸道在閩多年極願效力祈速派何日定局並先電示此間已接洽餘函詳

寄北京梁燕生京卿士詒

二月十三日

吉長總辦何人鋼軌合同是否必須赴長春會訂如能就近在京與尊處訂定派人到京較易候示

北京梁燕生京卿來電

二月十四日

元電敬悉吉長總辦係傳道良佐已飭其議定鋼軌合同徑寄漢廠如有斟酌之處可以直接函商以省周折儻或必須面訂則由漢廠派人到長春與傳道會晤自妥請轉飭漢廠

卷一百
寄奉天錫清帥程雪帥 二月二十一日

錦愛借款正合同已簽定否如已簽定擬即派李郎中
維格赴津與鄭面商乞密示

南昌馮星巖中丞汝駢來電 三月十三日

汪電有省城暫安外縣騷動之說萍鄉初五以後
無電來是否潭醴綫阻乞詢滬局查復林道有續
電否盼示

寄南昌馮星帥 三月十八日

已飭路局薛道礦局提調劉令工務長鄺道約束路工
互相協助洋人自可毋庸遠避宣廿日回滬再託蔡道

照辦

甘肅諮議局來電 三月十二日

齊電敬悉昨奉長制軍面諭既不請獎又不歸還
斷無此理現正清查發還摺件並各處振款不日
出奏決不食言祈勿過慮

奉天程雪帥德全來電 三月二十四日

前電想已達覽查錦州新民省城各處存糧甚少
價亦昂貴現與貴同鄉等籌議春賑急需不如逕
赴南洋購米請公早日設法爲要

寄武昌瑞制軍徵 四月初七日

頃見報載尊處電奏鄂省振務急迫請將前請優獎之
張序嚴家幹蔡文仍照原請特准樞電奉 旨着照所
請等因查敝處前咨分部郎中葉韶奎報効一萬兩請
獎以道員選用經楊護院奏奉交議乞援張序等案再
電請 旨以示一律而維振務爲禱

寄北京呂鏡宇尙書

四月初七日

聞初四日 上賞暑藥交存尊處乞電示以便敬謹擬
電謝 恩

寄北京外務部堂官

四月十八日

王爺中堂大人鑒宣懷仰蒙 皇太后頒賞暑藥敬謹

祇領叩謝 慈恩伏乞代奏

北京李偉侯丞堂國杰來電 四月二十二日

仲炤日內南去卽屬作敝處代表

寄北京李偉侯丞堂 四月二十三日

仲炤兄過滬請致意相約一見

北京李襲侯國杰來電 五月初八日

商局舉總協理過激似非宜公意如何乞詳示

湘撫楊中丞文鼎來電 五月初八日

忝膺疆寄悚懼滋深尙求隨時訓誨以匡不逮實

官捐並未請辦湘潭花石山內有拳匪設壇聚眾

滋事前月廿四派兵往拿已將首要擊斃多名毀其巢穴解散脅從地方一律安靖醴陵防營甚得力可無慮特復

寄京李襲侯國杰

五月初九日

電敬悉儻欲同扶危局公可託仲炤代表仲如回京託張弢樓代表

北京李偉侯襲侯國杰來電

五月十四日

部主和平對待菊云只要願全部面無不可商量公可酌定格式調停其中餘詳致施蒸願兩電

寄湘撫楊中丞文鼎

六月十五日

去年公護督時有正金銀行經理葉韶奎報効振捐七千兩作銀一萬收入奉天購糧帳內請以郎中奏獎道員曾交議改獎嗣見華帥電奏各員皆准葉持案求咨乃華帥執弟去電內雖給實官決不出仕語奏請給二品銜並加封典仍交議諒因郎中例難越級加銜葉堅求退款然奏明報効者難退當此勸振萬難之際若再失信用以後振捐更多一阻礙弟尤無以對人如湘振亦能奏獎道員擬勸葉再捐七千兩解湘請公會同華帥電奏照章聲明湘鄂共捐二萬併案請以道員用加二品銜在湘得現銀七千尙是小事於勸捐前途所關

甚大乞酌示

寄奉天錫制軍良

六月十七日

美員赴倫敦錦瓊路約如果奏准有人簽押否東事陷
危似難再緩如公能力任擬抒管見備公采擇

北京沈雨人侍郎雲沛來電

六月十七日

奉繩伯轉電佩悉一切沛游滬久於此事略得要
領於堂議時無不剴切陳說大約隔閼之處融釋
過半然交有先入之主猝難撥正者諒在鑒中餘
詳繩復

濟南孫慕韓中丞寶琦來電

六月二十三日

公北上有淮期否如不願赴京仍來濟南不勝至
感來濟較京近便且省酬應又無庸奏明在公最
相宜敝處亦得諸事順手企盼台允

寄濟南孫中丞

六月二十五日

請覲摺日內發批准卽航海行去年洵貝勒面傳監國
諭令病痊卽進京並謂實缺官毋庸候召此次入覲非
專爲喜事惟無志匡時遠行惴惴勞民傷財實非所願
苟非就親當再從緩公仍令赴濟豈有病不能到京而
能到濟南乎公若到京城兩家難免招搖究非所宜且
租屋甚難仍請送親滬上如親家母不願聞上海二字

蘇州亦可所需費用弟當派人預備非京城可比也摺
將發立盼電示

北京軍機處來電

六月二十九日

奉 旨盛宣懷電奏悉盛宣懷着來京 陛見欽
此

寄上海蔡道乃煌

七月十六日

承飾賀甚慚感幣制以滬埠爲最要樞紐積習已深甚
難著手鄙見以濟益商賈爲宗旨不特無所損害萬不
得已亦須損少益多如此市面本非交通舊法難期商
務起色公才大心細必有高見能否詳函賜教盼幸非

空言也

寄鄂督瑞莘帥

七月十七日

鄂省銀元銅元花紋最好祖模係何國所造何人經手
幾個月可成乞查明電示

湘撫楊中丞文鼎來電

八月二十二日

湘省連年被災蓋藏空虛現飭屬購穀填倉萬難
開禁惟萍礦工米既相需甚殷不得不設法變通
擬照尊電准運一萬石應請轉飭林道派員赴省
會商司局請領藩司護照徑運醴陵局完納釐捐
放行仍飭該道嚴守限制以杜藉口爲要

寄粵督袁海觀制軍樹勛

九月初六日

現籌辦幣制需才孔亟廣東候補道蔡康熟諳造幣事宜請飭速來京何時動身乞電復

安慶朱經田中丞家寶來電

八月二十六日

皖振屢勞盡籌實深感荷滇捐餘款昨已遵示承認明秋歸還電懇李仲帥撥借俟得後再奉聞

寄日本佐世保洵貝勒

八月二十九日

貝勒爺鈞鑒已派新銘恭迓並飭路局嚴加警備姚道到津迎接面稟一切資政院請速成國會明日御前會議

寄長沙楊俊帥文鼎

十月十四日

聞朱道假旋馮道已留幣制局其所遺官錢局差使請
卽另派可也資政院議員爲公債事爭甚力幸有蘇員
汪雷許三君解釋現已平服

長沙楊俊帥文鼎來電

十一月十九日

聞江皖紳士奏請公籌辦振務已奉准是否在京
籌辦抑須回南乞賜示

寄長沙楊俊帥

十一月二十日

宣奉命籌辦江皖振務不出京另派馮夢帥爲查振大
臣已到皖尊恙好否甚念

寄江督張安帥

十一月二十七日

陸相暨江皖京官以江皖災重請簡宜懷爲籌振大臣馮前撫煦爲查振大臣初九日奉旨照准已鈔摺咨會計早到夢翁一件逕寄寶應故尙未達請照原文轉咨以便接洽

寄武昌瑞制軍澂

十二月初四日

近日尊恙如何甚念與國風潮若不能息駸駸乎漸及大治仗公德威所全非細豈僅私感皖北江北災重請飭司暫調放振熟手候補知縣余觀海李道謙二員徑赴皖省交查振大臣馮夢帥委用如荷允准甚感

廣州張制軍鳴岐來電 十二月初七日

我國交通政惟公實開其先頃聞晉長郵傳必收
駕輕就熟之效敬爲 朝廷得人賀

湘撫楊中丞文鼎來電 十二月十八日

奉初十日手書承摯愛殷拳感銘何極鼎因英國
允款開議力疾銷假現已議結計六國損失僅償
八十萬交涉一律完結別無枝節擬卽彙案奏報
以了經手公籌皖振造福無窮鼎雖無能然於振
事尙有經驗如能隨公後極願乞密與政府商之
餘容函達

寄奉天錫清弼制軍良

十二月十八日

一等車已飭局不停外國只重驗病不礙交通公獨能
見到甚佩

上海李襲侯國杰來電

宣統三年正月十二日

歿已墊冬振約九萬元募捐尙未收齊春振需款
籌措更難擬再息借四萬元墊解惟捐事力難兼
顧懇改派伊弟分省補用道張士瑛家叔亦擬奉
札後設法籌墊但將來收不敷墊公宜主持勿令
賠累至叩明日放洋

寄上海李襲侯國杰

正月十三日

捐事卽分別札委仍歸發樓轉交並祈轉懇墊款須交
馮夢帥方可核銷公卽放洋遙祝平安

江督張安帥來電

正月二十八日

劉承幹前捐海州工振銀一萬八千兩款未繳官
紳收紳用難昭核實是以敝處未允奏獎此款旣
不由官收放似亦難彙案奏銷

寄武昌志將軍銳

二月十一日

部奏定章親貴大臣隨帶司員人等搭車代購車票所
需車價由臣部作正開銷等語鈞駕來京照章理應伺
應已電飭漢局回明分次搭車而行惟七車同日搭開

勢難冒險若月開車頭領價太鉅昨次帥令其世兄行
李先來似可仿照辦理乞鑒原

寄上海南洋公學唐蔚之侍郎文治

二月初四日

頃已遵電查明本年預算校屋連辦彝器准支四萬兩
尊擬購買對面屋地價銀四萬兩請撥部款叁萬兩事
屬可行候正式文到照辦

滇督李制軍經義來電

二月十五日

佳電真到不允免費而允協款鈞意曲體兼全使
各部皆如我丈督撫何憂默喻之餘莫名感紉但
義尙有不得已之請已詳公電滇窮迫已極萬難

再受虧累苟非勢迫處此義亦斷不計較錙銖英
佔片馬後出兵沿邊四略越南又有大股苗匪入
犯開廣邊人震驚餉械全窘預算成空彙卯之勢
豈能久持日夕待罪尙祈教誨

上海唐蔚之侍郎文治來電

二月十八日

諫電遵辦文本日發惟商船校總以吳淞爲宜祈
早日奏定日後建築費擬在張殷撰存款內開支
卽有不敷諒亦無幾屆時再請部撥統候鈞裁

寄武昌瑞制軍澂

二月二十三日

據福開森電稱昔張文襄督鄂蒙委洋務參議差迄今

以來凡關交涉靡不盡心并皆妥洽近聞該省清理財
政經諮議局從中干預擬將開森一差裁撤以爲撙節
之計森本屬客官何敢仍存奢望竊思國際交涉日繁
辦理非易森對於中國自問實有熱心遇事爭之必力
卽按向來泰晤士之言論專爲湖廣出力者歷歷可指
不無隱收微效似非尸位素餐者可比茲不揣冒昧敢
乞公鈞言電達請帥轉圜其間儻得蟬聯不勝感戴之
至等語此事能否轉圜請尊裁電復

長沙朱菊尊京卿恩紋來電

二月二十九日

鈞電敬悉恩紋庸鈍猥荷青垂感紉何極惟是銀

行重要辦理極難此時接辦更難著手且分行四
布照料尤不易周斷非恩紱所能勝任再四思維
與其貽誤將來曷若先時審量咸深知己愧負難
安謹俟假滿卽當入都叩謝德意也

武昌瑞制軍萃如來電

三月初四日

湖北預算經諮議局議減款目甚多不僅福開森
君薪水一項案已公布無法轉圜請轉達見原爲
幸

寄武昌瑞萃帥澂

四月二十四日

馬鞍山煤礦自官局移交積年賠累至鉅現准停辦惟

該處荒僻多盜當遣散礦工收拾機件之際深虞滋事
乞派兵一隊前往暫駐彈壓事竣即可撤回如荷允許
卽盼復示

寄長沙楊中丞文鼎

五月初九日

前接兩函未敢遽復尊奏未到之前上意頗以爲疑
摺到不加勘語已釋一半頃將陽電呈閱甚爲嘉許弟
等尤深欽佩午帥行期未定擬駐節武昌郵部奏調朱
道祖蔭咨行到日請飭速行至感

湘撫楊俊帥文鼎來電

五月十一日

承電示擬調朱道祖蔭赴部查該道篤實廉潔與

文鼎相處極好現辦官錢局及工振局務款目繁重經理得宜正資臂助所負責任最關緊要礙難更易生手務乞垂諒免予調京至爲感禱

寄廣州張堅帥鳴岐

五月十三日

安昌號葉炳南電稱粵路歸國有失信天下非卽開國會請勿提議等語頃內閣命查葉炳南係屬何人應由貴督查明懲處以儆效尤

又五月十九日

頃晤澤公已託匯豐電匯現銀二百萬兩郵部已飭滙行電匯現銀一百萬兩以五十萬接濟交通粵行以五

十萬借交尊處備用俟五百借款成後請撥還收路章程明日會奏本日 明降想已奉到如此措詞尊處自可操縱矣

武昌端大臣方來電 六月十二日

格林森合同業經畫行簽押格言攷驗鐵軌至關重要尊意中有此項妥人否格言英國有一專門老驗鋼家雖本人不能來可託其薦一好手酬勞需五百磅姑令其一詢如無人可委再行斟酌訂用湘公司力爭股款自非將各項股捐解釋明白不足以斬斷葛藤方刻擬條列一二請擇用卽電

聞

雲南李制軍經義來電 六月十三日

近日電鈔延至旬餘始到每見諸滬報滇尙未奉鈔官電亦多遲延邊省界務交涉在在緊要全恃消息靈通機關一有阻滯政治必多窒礙請飭電政局諭令轉報各局認真查修桿綫遇有閣鈔及官電隨到隨轉勿任耽延爲禱

寄武昌端大臣方

閏六月二十四日

公與萃帥會奏言之成理持之尤有故敝摺准今晚遞廿五一起見面季帥密電似亦盼有旨也蔭公本日

有起

寄長沙楊中丞文鼎

閏六月二十八日

公赴滬暫憩甚慰朱道祖蔭 旨仍隹部調能否趁公
任內飭令來京一行需才甚急感盼笑似

愚齋存稿卷第一百

重修山東新清河記碑文

蓋聞太上有立德其次有立功而功之流傳不朽者要不外經國勤民數大端原夫小清河之故道卽古所稱濟水而發源於泰山者也由長清至厯城會濰水而東折經章邱齊東鄒平長山新城高苑博興樂安壽光各縣界縣亘數百里其南則萬山叢列衆水匯歸治則十邑蒙其庥不治則十邑受其害此開通疏濬之萬不容緩者也特因工大費鉅以致淤塞積年每至夏秋盛漲汜濫橫流而閭閻之困苦殆不可勝言登萊青道憲盛杏蓀大公祖籍武進簪纓望族學問淹貫經濟宏深有古聖

賢已饑已溺之志簡命觀察是邦凡有益於地方者無不遇事講求實際覽小清河形勢而慨然曰是河挾千山萬壑之水而東注於海近日且見偏於黃流室家蕩析如民生何蠲緩頻仍如國計何是安得而漠視之耶迺考諸紀載訪諸耆老覃精萃慮求所謂一勞永逸之計屢次查勘據實上陳稟蒙張勤果公及今

撫憲福大中丞先後具奏邀准疏導全河於是多方區畫籌集巨款擇幹濟者任其役自歷城而下次第挑濬樂安爲入海關鍵或生開或取直務使規復正河而後已閱三年工始竣沿河築長堤設官渡費至百萬然

皆出自義捐以工代賑未嘗絲毫動及國帑也今日者
禾黍盈野民各安居而商賈之通貨賄者船相望於中
流然後知庸人享其逸而大人任其勞先憂後樂詎同小
補之功去危就安永拜仁人之賜蓋將與鄭白並垂鴻
烈矣非有卓識遠畧其烏足語於斯抑又聞之山川清
淑之氣必有所鍾觀此水勢環抱其鬱積者厚矣而其
盛必將發之於人文適值

邑侯曾公志庵蒞任後興利除弊百廢具修而又加意
文教復建書院期以人之傑而應平地之靈湖自壬辰
以迄甲午樂安登鄉會榜者七人且一科中並舉元魁

更爲百餘年來所罕觀斯非培植之著有明效與吾儕
小人生逢

聖朝幸蒙

上憲軫念民依有以除墊隘而奠安全卽未能揄揚至
德而可昧所從來乎盛大公祖今調任天津海關道矣
所願守其成法無缺歲修行見旣富方穀而樂之文風
且將蒸蒸日上也豈不沐哉謹薰沐而爲之記

賜同進士出身福建卽用知縣成象乾謨文

丙子科舉人大挑教諭署理齊東縣訓導宋其端書丹
山東青州府樂安縣闔邑紳民泐石恭頌

光緒二十年歲次甲午清和月穀旦

德被海隅碑額

欽命頭品頂戴山東登萊青兵備道東海關監督盛大
人德政碑

竊以盛德至善民不能忘載在禮經大學篇凡今之
人無不童而誦之當世有循良大吏編氓蒙其
德澤而習焉相忘謂於我何有忍乎哉觀察武進

盛大人蒞任之五年初建登郡煙台廣仁堂綱舉目張
諸善畢備繼又於小河東沿義塚餘地內初立寄柩
所屋十六間爲南省官幕丙舍

諭令職

招人看守並將濱海未葬餘地許職捐資建立

龍王 魯班 財神殿宇三間三大祠一間旁屋作
爲工匠公所責成職經理蓋斯舉也以寄柩所保護
義塚以神祠保護寄柩所兩相維繫永久不廢吾儕
小民同聲感戴因勒石以誌俾後之人知其所自庶
足垂

功德於不朽云爾

光緒十有七年歲在辛卯九月穀旦同知職銜福山鄒
原曾敬立

煙台廣仁善堂碑記

三等嘉禾章上大夫山東膠東道道尹兼外交部煙台
交涉員吳縣吳永撰并書

宣尼重施濟釋迦尚慈悲宗教雖殊其旨一也未刼顏
波罕明斯義婆心拯世其惟武進

宮保尚書盛公乎 公名宣懷字杏蓀江蘇武進人也
其訏謨偉畧顯秩雄貲中外士夫咸所歎仰赫然襮著
無待重陳矣 公於膠東功德尤溥昔以兵備兼權海
關廣仁芘寒次第興舉宏規無替以迄於今計 公移
旌二十餘載義漿仁粟源源而來歲以爲常不愆晷刻

捐助金幣普度恒沙全活飢民歷年莫算已世常謂古
今人不相及如魯子敬郭令公范文正父子豪情勝慨
史策艷稱傳播千秋遂成殊邈今以公例之較其廣
狹久暫果孰劣而孰優歟永忝據溟濤蕭規是繼與
公密戚相知尤深茲徇膠東父老之請將勒貞珉事屬
當仁勿敢溢美昭茲來許其在斯乎

中華民國五年歲在丙辰春三月

本校創始人盛公紀念碑

閩縣鄭孝胥書

公諱宣懷字杏蓀江蘇武進人也公之勛名事業著在國史無俟敷述光緒丙申公奏撥輪電兩局銀十萬兩度地於上海之西徐匯之北建設南洋公學經營規畫一皆公總其成甲辰之秋公被命會議商約本校遂改隸商部後又屬交通部然遵循舊章迄今二十餘年國中學校林立而規模之宏遠成績之燦著卒推本校爲東南諸省之冠皆公之力也丙辰三月公薨同學諸子旣爲位以祭之復追念創始之功不能自已謹述始末以詔來者俾公之盛德與本校永垂於無極

歲在巳未冬月南洋公學同人敬立

附祀潘文勤公祠碑記

禦大災捍大患歿則祀之禮也然好善非出於至誠則雖有捍禦之蹟不爲功報亦弗及寶坻地洿多河若爲隣境壑夏秋雨水爲害久矣後世昧於九河之疏法用九澤旣陂之陂誤河爲澤河愈壅塞遂致大決傷人清末尤甚 潘文勤公任尚書兼順天府尹時寶民罹重災請巨帑假手施太守則敬與袁王諸君子振活無算潘公心爲之瘁未幾薨民痛定追思請創專祠以永祀典 皇帝詔曰可祠乃成同時

宮保盛公諱宣懷解俸錢無災不振十餘年寶民賴以

生全者無慮三萬戶客夏永害益深政府暨名公循吏
義士仁人皆拯援恐後而公已先二年歿矣 公夫人
莊氏公子同頤輩遵遺命善繼述悉索俸餘繼以假貸
得巨金仍敦請施君則敬偕樊君時霖北拯飢溺特以
八萬元厚於寶寶民受錢衣春冬免流亡者亦無慮三
萬戶也衆咸泣環請於美咸呈奉令准附本邑潘文勤
公祠祀之戊午三月初七日致牢牲禮成衆大慰先是
公考諱康累官鄂浙監司以好善樂施附祀杭州吳
山趙恭毅公祠公伯父諱應歷宰浙劇縣以郡司馬毀
家貸粟禦蝗災後守危城身歿於賊 諭祀昭忠祠公

大父諱隆以州牧治海甯捐米振飢遺愛在民奉 旨
一門忠盡准父子三人立專祠西湖上何其榮哉 公
之誠求保赤與公夫人公子輩力救災患家法然也竊
聞之積善之家必有餘慶又曰善政致祥然則 公之
子孫其所以縣世澤而榮先德者未有艾已

京兆調用奉天雙山縣知事牛爾裕撰文

前寶坻縣現任三河縣知事唐玉書敬書

五等嘉禾章署寶坻縣知事查美咸敬立

中華民國七年十月十日

石工邢起榮勒石

右武進宮保尚書愚齋盛公疏稿二十卷都凡二百八十四通除謝恩例摺外餘皆蒞官行政建言紀事之作救時良策經世大猷泰半萃於是矣同光之際新政萌芽公獨得風氣之先爲海內倡其後朝野上下所推行者雖有效有不效大率無以越公設施之範圍此天下後世之公言也公壯歲佐李文忠戎幕卽雅擅章奏茲編諸稿除謝恩等例摺假手幕僚外其關於設施大計者皆公自屬草但公虛懷若渴每一疏草成必與諸幕僚互相商榷至再至三其時佐公幕者景端而外有何梅蓀太守沈子培方伯徐袖芝廳長張讓

三直刺李經畦提學楊彝卿楊綬卿朱小莊三觀察皆
稱一時之選而於公稿無不歛手歎服每有不能移易
一字者是編 公定爲奏議電報書函公牘四門命景
端編次甲寅冬月始從奏議入手迨校錄粗竟 公已
寢疾頃剴劂告竣 公猶就榻披覽間命照所擬纂輯
賡續勿輟倘天假 公年及觀全書之成庶景端之責
盡而公之心亦可少慰也夫丙辰正月幕下士同縣呂
景端謹跋

愚齋宮保爲中國創辦電報之首功亦卽其畢生精力所萃其政策措置什之八九於電報中舉其綱要然後本其小模型引伸發揮爲大文字此遺稿中電報僅選刻全體之三四已蔚成煌煌巨觀矣李文忠公常自謂所擬電報深得事多文少之訣愚齋宮保亦恒引以自詡某歲卧病數月各部院各行省來電積几盈案乃命景端就其榻前代爲擬答愚齋深許之自後電報緊繁時必招景端相助爲理今校刊遺電益復詳審所以報知已也已巳初秋呂景端謹跋

先宮保尚書公既沒之二十四年其子恩頤等始克先

以

公之奏議稿二十卷電奏稿三卷電報稿七十七卷都百卷鏤布於世非敢緩也恩頤等生也晚始就傳

先公方以大理少卿督辦鐵路兼領輪船招商局電報局漢陽鋼鐵廠大冶鐵礦萍鄉煤礦中國通商銀行更創辦南洋公學兼達成館譯書院庚子拳難作東南保護之約

先公在上海實綰其樞恩頤等穉弱但見中外賓客盈

於庭各職司奉文書取進止者接於室郵電使者絡繹於門昧爽而興深宵未息食屢輟眠數起家人問寢後恒經旬月不奉呼召也及充商約大臣兼商稅事務大臣亦然內召任郵傳部尚書時莫不皆然天性厪於義振光緒初秦晉大旱爲捐財助振之始任登萊青道時歲不登濬小清河以工代賑嗣每聞各省告災議振議工日不暇給五十年如一日焉起家幕府故自辟僚佐妙選不雜進掌箋奏參機要者恒一二人何太守嗣焜最久任沈方伯曾植鄭方伯孝胥張直刺美翊嘗先後入幕晚年惟楊觀察學沂呂觀察景端相從所領事分

置主者司之官私文書至批定付所司具草判還存於其所幕府所儲章奏而外百不一二也政事稍暇則蒐校吾郡先哲遺書以自適刊行正續編六百二十六卷幕僚以

先公領事多歷年久所治文書分典未總錄慮或遺佚因乘閒以自校刻政書爲請

先公婉謂吾所治皆工商業器與藝方孟晉詎中道自畫斷代爲書寶難國家承平官文書守在官府商事函牘典於各職司商約商稅中外咸紀錄散失無虞奏疏自我發之違溫樹不言之義治河籌振行吾心之所安

何足爲人道他年望於諸君焉用汲汲爲豈知言未數
年天崩地坼之禍竟及身親見之哉辛亥罷職南歸憂
懷 君國舊喘疾大作留大連調治因負東南重望陰
伺陽歛者謀不已遂東游養疴迨返上海慨於事不可
爲乃稍稍董治舊稿自定體例爲奏議電報書函公牘
四類授呂觀察編纂自陵谷變遷官署易制商事易主
司幕僚散之四方書問徵詢或不報報亦日月淹滯至
是蒐集大難呂觀察以五年之力僅成奏議一類二十
三卷時

先公疾已甚猶力自校閱顧觀察曰茲事累君成之徵

攷必詳覈勿使疑闕誤後賢苟非其時慎傳播之此則
恩願奉諱歸聞之觀察者嗚呼

先公其可以前知耶越已巳續成電報稿七十七卷書
函公牘迄未備呂觀察建議先刊已成百卷殺青方竟
會遭愚齋義莊事義莊者

先公因五十年來歲有義振因折衷中外善制斥鉅資
分任親親仁民之舉

先慈莊太夫人寶秉成之延公正紳戚董其事盛氏不
專主用此賈禍數年乃解此

先公

先太夫人九原長飲憾者歟所以刊成之稿謹遵非時勿傳之訓度藏於家未成者呂觀察恒以自隨義莊事未解觀察先即世闕畧蓋多集錄需時迴思

先公語呂觀察時實事足徵故不汲汲以空文自見今日者手創之業惟路政夙爲官辦電政自具疏奉於官僅得存若輪船招商局若中國通商銀行若萍鄉煤礦十年以來先後官主之名仍而實異所餘漢陽大冶之廠大冶之鑛丁丑兵事起亦摧殘俱盡矣固由愚願等資荷無狀而天實爲之又豈單家孤子所能力爭經營者耶故於刊成之稿不敢深秘儻文實之俱湮益滋罪

戾謹如呂觀察議先印行百卷大端既具觀覽者將以
取資焉續集克成再公於世每一念及濡遲之故茹痛
飲泣豈有紀極哉原梓自更事變遷徙再三頗有關遺
覆校補刊則賴吳江施觀察肇曾同邑陶觀察湘均
先公故吏也因並志之

已卯夏六月

男題頤謹識